



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CXLI. Septuaginta quinque ducatos, qui post obitum singulorum
Cardinalium Officialibus, & Ministris SacriS. R. E. Cardinalium Collegii per
Hæredes defuncti juxta Pauli V. Constitutionem solvendi ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

1734.

porum, qui ea dixerunt non exequenda; nonnulli tamen ad privandos illarum Domorum Priores a voce activa in Capit. Provincialibus eadem exequi velent.

gregationis negotiis, & Consultationibus Episcoporum, & Regularium praeposita, per peculiare literas ipsas directas, retulit impossibile prorsus fore ad earum executionem devenire, & certe per centum viginti duos annos eam haud omisissent, si dictas literas aut reducendas ad praxim, vel convenientes illic judicassent, quum ipsis tam serio, & sub conscientiae gravamine eorundem executio fuisset demandata. Porro post centum fere annos a praedictarum literarum expeditione, in una, aut alia Provincia aliqui particulares Religiosi (personarum exterarum fulti patrocinio) ob personales vitiososque fines earum executionem demandarunt, non quoad Conventuum suppressionem, aut quoad alios effectus in eisdem literis contentos, sed solum quoad finem excludendi a Suffragio activo in Capitulo Provinciali, ejusque electionibus Priores, seu Praelatos Conventuum, octo Religiosos de familia non habentium, illosque de facto saepius excluderunt maximo cum scandalo, & pacis Regularis iactura, ut frequenti experientia comperitum est, ex ejusmodi literarum executione ingentia ferme pullulare damna, cum illarum observantia demandetur, solum quoad Vocalium exclusionem, & hoc ipso tempore celebrationis Capituli, aut immediate ante, nimirum quando praetendentes agnoscunt se votum ferentibus, vel non ferentibus dictis Prioribus, posse includi vel excludi, consequenterque solum tendat ad turbendam Provinciarum pacem, & ad fovendas continuas inter Religiosos discordias, vel ad validandam, vel annullandam ad proprium nutum, & libitum electionem, ut memoratus Sanctae Fidei Archiepiscopus eidem Congregationi Cardinalium retulit, & ex hoc sequitur, quod praedictarum literarum executio modo dicto, plus damni, quam utilitatis dictis Provinciis afferat; & si, quoad suppressionem Conventuum, in usum adducitur, in maximam dictorum Fidelium perniciem redundaret.

Pontifex illis Conventibus antiqua jura, & Privilegia confirmat.

§. 4. Cum autem, sicut eadem expositio subjungebat, ipsi exponentes, quo fraudibus, malitiisque via pracludatur, & Conventuum indemnitati, & Capitulorum, Religiosorumque quieti consulatur, opportune in praemissis a Nobis provideri, & ut infra indulgeri summopere desiderent. Nos ipsos exponentes specialibus favoribus, & gratiis prosequi volentes, & eorum singulares personas a quibuscumque excommunicationis, suspensionis, & interdicti, aliisque Ecclesiasticis Sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati. Ut omnes supradicti Conventus in possessionem privilegiorum, in qua usque modo fuerunt, deinceps absque ulla alteratione permaneant, etiam si octo Religiosos de familia non habeant, aut possint alere, eorumque Priores, seu Praelati legitime electi, voce activa in Capitulis Provincialibus, aliisque electionibus sicut antea potiantur, & gaudeant, & eodem prorsus modo Priores Conventuum Indorum, auctoritate Apostolica, tenore praesentium, indulgemus.

Haec literas perpetuo valituras firmat.

§. 5. Decernentes eandem praesentes literas firmas, validas, & efficaces existere, & fore, suosque plenarios, & integros effectus sortiri, & obtinere, & illis ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari. Sicque in praemissis, per quoscumque Judices Ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis au-

thoritate scienter, vel ignoranter contigerit attentari.

§. 6. Non obstantibus praefati Pauli, & aliis Romanorum Pontificum Praedecessorum Nostrorum literis, per quas determinatus numerus Religiosorum in Monasteriis praefinitur, aliisque Constitutionibus, & Ordinationibus Apostolicis, necnon Provincialium, Ordinum, & Conventuum hujusmodi etiam juramento, confirmatione Apostolica, vel quavis alia firmitate roboratis statutis, & consuetudinibus, privilegiis quoque indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores, praesentibus pro plene, & sufficienter expressis, & de verbo ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 7. Volumus autem, ut earundem Literarum transumptis, seu exemplis etiam impressis, manu alicujus Notarii publici subscriptis, & Sigillo personae in Ecclesiastica Dignitate constitutae munitis, eadem prorsus fides adhibeatur, quae ipsis praesentibus adhiberetur, si forent exhibitae, vel ostensa.

Datum Romae apud Sanctam Mariam Majorem sub annulo Piscatoris die 19. Julii MDCCXXXIV. Pontificatus Nostri Anno V.

F. Card. Oliverius.

Obstantibus derogat

Transumptis fidem adjicit.

*Dat. die 19. Julii 1734. An. V.

Septuaginta quinque ducatos qui post obitum singulorum Cardinalium Officialibus, & Ministris Sacri S. R. E. Cardinalium Collegii per Haeredes defuncti juxta Pauli V. Constitutionem solvendi erant, deinceps a singulis Cardinalibus in sua ad Cardinalatum promotione solvi praecipit.

CLEMENS PP. XII.

Ad futuram rei memoriam.

Alias fel. rec. Paulus PP. V. Praedecessor noster considerans assiduos labores, quos Officialibus, seu Ministris Sacri S. R. E. Cardinalium Collegii in rebus, & negotiis ejusdem Sacri Collegii procurandis sustinebant, per quasdam suas in simili forma Brevis die 3. Januarii 1619. expeditas literas, Motu suo proprio, ac ex certa scientia, Secretario, Clerico, & Computista ipsius Sacri Collegii septuaginta quinque ducatos auri de Camera, nimirum viginquique pro quolibet eorum a singulis Cardinalibus in promotione ad Cardinalatus honorem, ac totidem post obitum singulorum Cardinalium, etiam si ad Cardinalatus dignitatem promoti Romam nondum venissent, & five illos in Romana Curia, vel extra eam, & ubique decedere contingeret, in supplementum mercedis ordinariae eorundem Officialium, sive Ministrorum deberi, illisque conjunctim per pro tempore existentes Cardinales praedictos, seu eorum Agentes, & Haeredes respective, absque mora solvi, & eis consignari debere, sine tamen praedictis quomodocumque jurium Camerae Apostolicae quomodolibet debitorum, ac solvendorum, auctoritate Apostolica perpetuo statuit, & ordinavit, prout in Pauli Praedecessoris literis praefatis, quarum tenorem praesentibus pro plene, & sufficienter expresso, & inserto haberi volumus, uberius continetur.

§. 2. Cum autem, sicut accepimus, septuagintaquinque Ducatorum auri hujusmodi eisdem Officialibus, seu Ministris post obitum Car-

Paulus V. Ministris Sac. Collegii solvi jussit a Cardinalibus in die promotionis 75. Ducatos, totidemque post mortem.

Sed cum exactio dd. 75. Ducat. post mortem

dinalium,

CXLI.

1734.

Cardinalium
difficilis red-
datur.

dinalium, sicut præmittitur, debitorum, per defunctorum hæredes solvendum, exactio perquam difficilis reddatur, præcipue ubi ipsos Cardinales extra Ditionem Ecclesiasticam, & maxime ultra Montes ab humanis decedere contingit, ita ut multoties eorum solutionem etiam post peractas exactiores diligentias a præfatis hæredibus nullatenus consequi valeant, disicque Officiales, seu Ministri eo ægrius istiusmodi emolumentis careant, quod merces eorum ordinaria admodum tenuis existat, sibi que vicissim non mediocres labores, aliaque onera incumbant, ac propterea Secretario multæ etiam expensæ faciendæ veniant, Clerico vero, ac Computistæ prædictis alieno servitio, seu ministerio sese addicere per statuta ejusdem Sacri Collegii vetitum sit.

Eos itaque
in ipsa pro-
motione per-
solvendi præci-
pit.

§. 3. Nos præmissa, ac præsertim dicta emolumenta ipsis Officialibus, sive Ministris tanquam mercedem, seu pro eorum mercede præstanda fore attendentes, illorumque proinde indemnitate prospicere volentes, Motu simili, ac ex certa scientia nostra, septuaginta quinque Ducatos, qui post obitum singulorum Cardinalium ejusdem Officialibus, seu Ministris per hæredes Defunctorum juxta Pauli Prædecessoris literarum præfatarum formam, & dispositionem solvendi, & consignandi erant, deinceps a singulis Cardinalibus in sua ad Cardinalatus honorem promotione per se, seu eorum Agentes ipsis Officialibus, sive Ministris absque mora una cum aliis septuaginta quinque Ducatis similibus in eorum promotione hujusmodi debitis, & assignatis, ut præfertur, solvi, & consignari debent, sine ullo pariter quorumcumque jurium Camera Apostolicæ debitorum, & solvendorum præjudicio, auctoritate Apostolica tenore præsentium perpetuo itidem statuimus, & ordinamus.

Exequuto-
res mandati
huius depu-
tati.

§. 4. Injungentes propterea dilectis filiis ejusdem S. R. E. Collegii Cardinalium moderno, & pro tempore existenti Camerario, necnon Causarum Curie Camera prædictæ generali Auditori, quatenus infra mensem a die promotionis dictorum Cardinalium computandum, etiam si ipsi Cardinales nondum, ut supra dictum est, Romam venerint, per Collegii prædicti Depositarium, vel alias, prout melius expedire videbitur, centum quinquaginta Ducatos auri de Camera in totum Secretario, Clerico, & Computistæ præfatis, quibusvis appellationibus, subterfugiis, & cavillationibus remotis, persolverent, & etiam cum effectu faciant, ac summam, & expeditum jus illis administrent, omnibusque remediis opportunis sibi bene visis, etiam cum invocatione auxilii brachii secularis cogant, & compellant.

Derogat ob-
stantibus.

§. 5. Non obstantibus præmissis, ac Constitutionibus, & Ordinationibus Apostolicis, necnon omnibus, & singulis illis, quæ memoratus Paulus Prædecessor in suis literis prædictis voluit non obstat, ceterisque contrariis quibuscumque.

Dat. die 17.
Augusti
1734. An. V.

Dat. Romæ apud Sanctam Mariam Majorem sub Annulo Piscatoris die 17. Augusti 1734. Pont. nostri Anno V.

F. Card. Oliverius.

CXLII.

Nonnulla privilegia Provincialibus Societatis Jesu in partibus Indiarum existunt. a. sa. me. Pio IV. concessa, confirmantur.

C L E M E N S P P . X I I .

*Ad futuram rei memoriam.*Pius IV.
aliiq. Pontifi-
ces Patribus
S. J. facultat-

§. 1. Cùm dudum fel. rec. Pius PP. IV. Prædecessor noster inter alia, ut Societatis Jesu Provinciales, vel ab eis deputati Pres-

byteri cum Neophytis Indiarum, aliarumque Orientalium Regionum in quocumque, seu quibuscumque a jure divino non prohibitis Consanguinitatis, vel Affinitatis gradibus, vel alias conjunctis, ut, impedimentis hujusmodi non obstantibus, matrimonium inter se contrahere, & solemnizare, seu in jam etiam scienter contractis matrimoniis hujusmodi remanere valerent in partibus, ubi Ordinarii locorum facile adiri poterant, in foro conscientie tantum perpetuo, & insuper ibidem, infra tamen viginti annos tunc proxime futuros, quod ipsi locorum Ordinarii de Presbyterorum eorumdem tanquam adiutorum, & aliorum suorum in locis præfatis, & ubi eorum commode potuisset haberi copia, consilio, & cum illis etiam in judiciali foro, in reliquis autem Provinciis Ordinariorum præsentia destitutis, vel ab eis remotis, quod iidem, Provinciales, & deputati Presbyteri cum eisdem Neophytis etiam in utroque foro auctoritate Apostolica gratis dispensare libere, & licite valerent, plenam, & liberam facultatem sub certis modo, & forma tunc expressis, concesserit, & alias prout in ipsius Pii Prædecessoris nostri literis desuper in simili forma Brevis die XV. Junii MDLXIII. expeditis uberius continetur, & successive alii Romani Pontifices Prædecessores nostri facultatem hujusmodi tam Presbyteris, quam Ordinariis præfatis non perpetuo, sed ad certa limitata tempora, ac novissime, nempe die XI. Junii MDCCCL. rec. mem. Clemens PP. XI. Prædecessor etiam noster ad viginti annos tunc proximos per suas respective in eadem forma Brevis literas sub certis modo, & forma in illis expressis inter alia prorogaverit, seu de novo concesserit.

§. 2. Et, sicut pro parte dilecti filii Procuratoris Generalis ejusdem Societatis Jesu Nobis nuper expositum fuit, prædicti viginti anni, ad quos memorata facultas a Clemente Prædecessore prorogata, seu de novo concessa fuerat, jamdudum expiraverint, ipseque Procurator Generalis dubitet, ne in procul distitis illis regionibus aliqui, seu aliquis e Missionariis credentes facultatem ejusmodi a Sede Apostolica fuisse renovatam cum Neophytis præfatis in dictis gradibus bona fide dispensaverint, & ea de causa, aliqua sint censura innodati, cupiatque propterea dictus Procurator Generalis nedum eandem facultatem ad aliud Nobis bene visum tempus prorogari, sed etiam Provincialibus illarum partium, & Confessariis ab ipsis delegatis indulgeri, quatenus omnes, & quoscumque, qui dicta facultate, postquam expiraverat, usi fuerint, in foro conscientie absolvere, ac dispensationes bona fide concessas ratas habere possint. Hinc est, quod nos Populorum illorum ex gentilitatis tenebris, & erroribus ad veri luminis agnitionem, & Christianæ fidei veritatem converforum, & ab hac Sancta Sede remotissimorum animarum salutem, & spiritualibus necessitatibus pro Pastoralis Officii nostri cura prospectum esse cupientes, de Venerabilium Fratrum nostrorum S. R. E. Cardinalium in tota Republica Christiana Generalium Inquisitorum adversus hæreticam pravitatem auctoritate Apostolica deutorum consilio, tam Provincialibus, & ab eis deputandis Presbyteris, quam locorum Ordinariis præfatis cum dictis Neophytis in quocumque, seu quibuscumque, non tamen in primo Consanguinitatis, vel Affinitatis gradibus, vel alias conjunctis, seu se attinentibus, ut matrimonium inter se contrahere, seu in eo etiam scienter contracto remanere valeant, dictis quidem Presbyteris in locis, & Regionibus, ubi Ordinarii non adsunt, vel ultra duas diatas juxta Constitutionem similis mem. Pauli PP. III. etiam Prædecessoris nostri editam existunt, ipsis vero Ordinariis e contra, ubi Presbyteri præfati adsunt, vel eorum commode haberi potest

1734.

tem concessere dispensandi cum Neophytis Indiarum in gradibus affinitatis, vel consanguinitatis a jure divino non prohibitis ad contrahenda Matrimonia.

Clemens XI. hanc eis facultatem protraxit ad viginti annos.

Hoc expirato termino illum prorogavit Clemens ad alios viginti annos.